

TPME raih kontrak sistem integrasi

Harian Metro

18 Jun 2018

Kuala Lumpur

TPME raih kontrak sistem integrasi

TPM Engineering Sdn Bhd (TPME), cabang kejuruteraan Technology Park Malaysia Corporation Sdn Bhd (TPM) mendapat kontrak projek peningkatan sistem integrasi daripada pengeluar cakra keras, Kobe Precision Technology Sdn Bhd (KPTec).

Projek itu membabitkan kejuruteraan semula mesin kawalan numerik komputer (CNC) KPTec dengan

meningkatkan kemampuan mereka dan menambah ciri pengukuran kualiti.

Presiden dan Ketua Pegawai Eksekutif TPM, Datuk Ir Mohd Azman Shahidin berkata, projek itu diperolehi berikutan keupayaan kejuruteraan TPME berdasarkan kawalan kualiti dan penanda aras yang

ditetapkan oleh KPTec.

"Kemahiran TPME dalam menjalankan projek ini menyumbang kepada penjimatan kos yang besar bagi KPTec selain memperluaskan jangka hayat mesin sedia ada berbanding pemerolehan

mesin baru yang serupa," katanya.

Sementara itu, Pengurus Besar TPME, Dr Mohd Zahirain Mohd Rasin berkata, adalah penting bagi industri untuk terus berdaya saing dan mengekalkan

kemampuan.

"Dalam usaha untuk menyediakan bantuan yang diperlukan kepada pihak berkepentingan yang berkaitan, TPM mempunyai Pusat Robotik dan Sistem Pembuatan Fleksibel yang ditubuhkan untuk menggalakkan dan meningkatkan pembangunan teknologi asli," katanya.



MOHD Azman